

FILEMÓN

Pablo yojo in mexe wetfel.

¹Yakha' Pablo, ye'wit'ophefik qe ta'lets in henfel ha' Jesucristo, qa na' inejefe Timoteo hika'añ ha'ne witfaakanek qu' net'ejui ei yejefe'etipji' pa' Intata qa yithayife'eñ iye Filemón,^a

²qa week iye kikhe' Apia yejefeki'itipji' pa' Intata, qa hakha' iye Arquipo hikha' iye yi'fe ej in hawatlani'ñ pa' uñ'ax, qa week he' inejefetsipji' pa' Intata not'axjii wetju'ñ ke' etsi'ii.^b

³Pa' Intata Dios qa ha' Yatsat'ax'inij Jesucristo qu' net'iftits'iñ ewets qa qu' nikesimen iye pe' atawjetsi'ñ.

Ineqsu'un qa nite' yeqeku' iye pa' Jesucristo pa' Filemón.

⁴Hit'ijetspha'm le'wisij pa' yeqe Dios in nite' tsitapiji'ij ei qa k'iyinji'ij, ⁵qe k'imp'i'ye'ej pa' na'l e'm e'qsu'unka'xij pe' week inejefetsipji' pa' Intata qa pa' nite' eqekuye'jij iye ha' Yatsat'ax'inij Jesús.^c

⁶Qa k'iyinijets pa' Intata pa' 'ihiniijkii nite' eqekuye'j qu' week nitanit'etsij qu' nata'lets pa' le'wis in na'l ine'm ta'lets ha' Cristo.^d

⁷Yejefe, pa' e'qsu'unka'x qi in tsi'sinheti'mkii qa yi'sinhetik'i iye yajits, qe lisimetsin pe' latawjets pe' yijayan pa' Intata.^e

Pa' iyini'mets pa' Onésimo.

⁸Qa hik ta'hijupi' yakha' in yemjeetax in leke'tax pa'qu' k'ayaji'ijets qe ta'lets ha' Cristo

⁹qa leste le'wis yijat'ij pa'qu' nek'iyinij ewets qu' nata'lets pa' e'qsu'unka'x. Yakha' Pablo. Yakha' hats yañawa'ma'x, qa yakha' iye ye'wit'ophefik qe ta'lets in henfel ha' Jesucristo,^f

¹⁰k'iyinij ewets nakha' hik ñunye'j qu' ya'se' Onésimo, qa hik nakha' iye hik ñunye'j qu' ewi'ñij qu' nenekifik'i iye ha'ne yi'nophei'wet'ii.^g

^a 1 Hch 13:9; 16:1; 2Ti 1:8; He 13:3; Ro 1:1; 1Ti 1:2 ^b 2 Col 4:17; Fil 2:25; Hch 12:12; Ro 16:5 ^c 5 Dt 6:5; Mt 22:37; Ga 5:6,22; Ef 6:23; 1Ts 1:3; 3:6; 5:8; 1Ti 1:14; 1Jn 4:20

^d 6 Ga 5:6; Gn 1:31; 18:18; 3Jn 11 ^e 7 Lc 12:19; 2Ti 1:16 ^f 9 2Ti 1:8; He 13:3

^g 10 1Ts 2:11; 1Co 4:15; Col 4:9

¹¹Hikna' mexe hamtax weju'hi'ij in ezejkunenek, qa ha'nehi'ij qa hats na'l pa' weju'hi'ij in t'eju' inwets akha' qa yakha' iye.

¹²Qa henpilhenin ei, qa in henpilhenin ei qe qi in hisu'un nakha'an qa qu' ku'miju't qa yakha'le in h'eku'myiju't.

¹³Hikna' hisu'untax qu' henyejinju' qekha naqsi'jtax ye'mijkii in mexe hoyopheitii pakha' nite' teke' qu' aqsi'j ye'mijkii, in hoyopheitii ta'tets in henfel eke' te'sits wi'tlijei t'ejuyets ha' Jesús.

¹⁴Qa nite'le hisu'un qu' haqsiijkii aka'an qu' hame' pe'qu' e'lijeye', hats'inha pa' eq'ilta'x qa' nite' nata'le'tets qu' hik hunye'je' qu' enijstheti'yij, qa' nata'tets yijat'ij in akha'le in hisu'un.

¹⁵Qe i'nhi' qu' hik aka'ye'le qu' nata'tets in mexe ik ek'ui pa'aj, hats'inha in tepil ei qa ewi't ni'hi' iye, ma' qa' hats pakhaayi'ij yijat'ij qu' ewi't ni'hi'.

¹⁶Hats nite' hik hunye'j qu' ewi'le'le qu' witlinek'e (esclavo), qe hane'en les in weju'hi'ij in witlinek qe inejefe'epji' iye pa' Intata, yakha' te'eme qi in hisu'un, qa akha'le qa tsikfe'l ewets in les qu' qiyi'ija qu' isu'un, qa nite' ewi'he qu' nata'tets in jukhew qu' isu'un qe in inejefe'epji' iye ha' Yatsat'ax'inij.^h

¹⁷Qu' it'ij yiwets qu' k'eyithayifeye', qa hik eqjunye'ji'ij na' Onésimo pakha' hats eqjunye'jyij.ⁱ

¹⁸Qa qu' nawtshetenij pe'ye' pa'aj qa i'nhi' pe'qu' h'ekumhifkinele'ej, qa' ets'eni' qu' yekumhifkineli'ij.^j

¹⁹Yakha' Pablo. Yakha' yijaa'ija in he'nq'ika' ei. Yakha' qu' hijanin pe' h'ekumhifkinel ej na' Onésimo, qa hasu'ujte antapi'ik'i in na'l pa' ekumhifkine'yij in ta't yiwets in na'l e'm pa' witi'la'x nite' yili'ij.^k

²⁰Ehe, yejefe, eshisij aka'an qu' nets-sinheti'mkii qu' nata'tets in je'witjefeye'k ipji' ha' Yatsat'ax'inij, i'sinheti'mkiiha pa' yitawe'j qu' nata'tets in je'witjefeye'k ipji' ha' Cristo.

²¹He'nq'ika' ei qe tsikfe'lets in h'ek'en, ma' qa humtii'ija qu' aqsiijkii kekhewe' k'iyinij ewets, qa humtii'ija iye qu' les anhini' ke' k'iyinij ewets pe'qu' aqsiijkii.

²²Qa k'iyinij ewets iye qu' ajilette pa'qu' yiwhi'wet'e, qe q'axqe qu' net'eku'miju't pa' Intata pe' iyinheyejeyi't ma' qa' natsami't ei.

Pablo wetfel.

²³Wetfel ei na' Epafra, hikna' yinophelife iye qe ta'tets ha' Jesucristo.^l

²⁴Wetfel ei iye na' Marcos, na' Aristarco, na' Demas, qa na' Lucas, hik enewe' tsi'fenij in nifel iye ha' Jesucristo.^m

²⁵Pakha' qi teqi'fenkeye'j ha' Yatsat'ax'inij Jesucristo qu' na'ni't ejupha week ekheweli't.ⁿ

^h 16 Fil 3:3; 1Co 16:19; Ap 11:8 ⁱ 17 Ro 14:1 ^j 18 Ro 5:13 ^k 19 1Co 16:21 ^l 23 Col 1:7; 4:12 ^m 24 Hch 12:12,25; 15:37,39; 19:29; Col 4:10,14; 1P 5:13; 2Ti 4:10-11 ⁿ 25 2Ts 3:18; Ap 11:8; Sal 51:12